





















Jika diteliti prosedur ini merupakan salah satu cara untuk memberi penyelesaian dan kaedah membantu mengatasi konflik rumah tangga masyarakat Islam agar tidak berakhir dengan perceraian. Namun jika tiada jalan dan penyelesaian bagi membantu memperbaiki hubungan pasangan tersebut, peraturan ini memberi kaedah dan cara terbaik bagi memastikan tidak berlaku penganiyaan oleh kedua belah pihak.

Sebenarnya peraturan ini tidak bertujuan untuk menyekat kuasa talaq yang sedia ada di tangan pihak suami. Untuk melanjutkan peraturan ini ia harap dapat menghindari perceraian tanpa kawalan di kalangan masyarakat Islam. Perbuatan yang halal namun dibenci oleh Allah SWT adalah lafaz talaq. Oleh itu perbuatan melafazkan cerai di luar Mahkamah dianggap satu perbuatan yang tidak beretika. Islam itu sendiri menitik beratkan hubungan baik yang terjalin di antara individu manusia apa lagi hubungan di antara suami isteri.